

Armand DEPRETER a skèpi
Èl vint' chonq dè fèviè in trinte deûs.

Présidant, pour mi, vos l' s'rèz toudis.
Ôdjordû c' è-st-a nous-ôtes dè vos rinde
In bia omâdje pou toutes lès-anéyes
Passéyes a boutér pou l's-« Amis-Réunis ».

C'è-st-in cinquante sèt'
Què pou l' preumîⁿ côup
Vos-avèz fét l' Djîle,
Sèt' Anéyes pus târd, vos dèv'nèz
L' ome pou r'wétî al situwacîyon
Dès liârds, come ont dit : trésorièr.

Présidant, vos l' astèz d'vènu
In sèptante neuf. Ô Drapô Blanc,
Nos-stin' cint vint Djîles.
Avû vo grande filosofîye,
Èl mècrèdi ô din.nér, in musique,
Nos dansin' co d'su lès tchèmins.

Présidant d' oneûr in deûs mile deûs.
Vo médaye, vos l' avèz bîⁿ gangnîⁿ,
Avû toutes lès clokètes qu' avèz yeû
A vos pîds, èle dèvroût yèsse in-oûr !
Mès arètons lès long discoûrs
Pace qu' avons vu qu' vos-avèz soû,
Èyèt come vos tchantèz tèt' mint bîⁿ
« Mi dju fé l' Djîle su l' ér' Mitàn-dès-Camps ».

L' preumîⁿ côup qu' il-a fét l' Djîle
Ç' astoût a pôse, i dj'woût in preumiére
Al RAAL : nûs chabots l' dîmince ô matin,
Vièyès botines après din.nér. Maleûreûs' mint,
L' istwâre nè dit nîⁿ si l' Gôchî
L' a ratindu pou lyi rvè'ni...
Mès coumarâdes, ascoutèz : souvint
I tchante « Djîles d' Oquèt », vîs souv'nis
Dè s' preumîⁿ carnèval al RAAL...

Ôdjordû Présidant, tètous inchène,
Nos cant'rons come lès-ancyins,
Pou vous èt Jeanine vo fème, a qui du di « Mèrci Madame » :
« Mitàn-dès-Camps ne périra PAS !!! »

Raymond HONORE